

Seht hier in diesem frischen Sandt
 Sey ihm erbawt sein Ruhfam Landt.
 Bringt her die Blumen bey den flüssen/
 Bringt her den grünen Majoran/
 Denn wir ihn jzo ziehren müssen
 Mit Blumwerck was man haben kan/
 Mit Rosen/ vnd mit Rosmarin/
 Mit Tausendschön/ vnd Wintergrün.
 Du aber hast dir nun erstiegen
 Das Schloß der grawen Ewigkeit/
 Vnd kanst nun ob vns allen siegen
 Mit dieser überwundenen zeit/
 Du bist in Ruh wir müssen noch/
 Vns spannen an das vnglücks Joch.
 Ihr aber die er hat gelassen/
 Die ihr von ihm sehr betrübt/
 Wolt euch doch diesen Trost nur fassen/
 Daß ihn GOTT auch hoch hat geliebt/
 Vnd ihn gebracht wo er nun lebe/
 Vnd in erklärten Grewden schwebt.

Der

von

Mitleiden.



E N D E.